

熏修何必土梗其身木舌其口然後為道哉
故菩薩之行有緣因焉有了因焉了謂正觀
智德之基也緣謂助道福德之本也如是二
因譬車輪不可單運鳥翅不可隻飛課法所
以先觀想次禮誦等庶兩全矣經云惟須深
信不得生疑故因撰錄聊此伸釋願諸聞見
終身誦之

觀自在菩薩如意輪咒課法

天台智者大師齋忌禮讚由序

宋天竺寺慈雲大師遵式述

余嘗見諸處傳山門教迹或當

大師遠忌追慕修齋皆闕其修禮之法今著
數偈略用伸仰夫內心寂照功成入位外則

神通說法應乎羣緣故生化始終凡十二偈

實統智定之用耳雖於別傳少有不次蓋別

樹一場次第之意初二偈三昧降魔次說法
華又次說止觀淨名涅槃放生施戒皆如次
也沒後靈感一偈難盡芳猷他方之身請護

遺教洎五悔合十七偈觀者無嫌辭近理寡
聊備其以時追想之誠耳或略可濟用稱唱
之時宜須鄭重必希感召永蔭教門目為智
者齋忌禮讚文云爾

天台智者大師齋忌禮讚文

僧衆三禮各各互跪
燒香散華首者唱云

稽首天台教主佛隴禪師般若之神鑒無邊
解脫之光臨莫盡聲揚虛谷響答何疑機扣
真慈應來不忒竊以真如清淨本無色像之

端法界含容遂有往來之狀垂形萬有混迹
群方誰知證妙位高祗仰池深華大蘊堯舜
二君之奇相作陳隋兩國之尊師說法圓融
降魔自在智定之巍巍若是慈悲之靄靄難
量經云著如來衣入如來室坐則如來所坐
行則如來所行西七為如來手摩以如來肩荷應
以如來供養而供養之功德不可稱量讚歎
略難窮盡今則伏值鶴林追遠敢言忝稷非
馨聊薦精誠仰惟昭鑒初時唱已便請若餘
時但除請宜唱此語
已便陳
意禮讚

一心奉請天台教主智者大師

惟願降臨道場受我供養

三請下皆準此

一心奉請天台高祖無畏論師龍樹尊者

一心奉請天台宗教第二祖師北齊尊者

一心奉請天台適嗣第三祖師南岳尊者

一心奉請天台結集教藏第五祖師章安尊者

者

一心奉請天台教觀第六祖師法華尊者

一心奉請天台教觀第七祖師天宮尊者

一心奉請天台教觀第八祖師左谿尊者

一心奉請天台記主第九祖師荆谿尊者

請已讚歎宣疏歎曰

法界圓融象無所象真如清淨化無所化雖象無所象無所而不象化無所化無所而不化燦燦現二王之相雄雄為兩國之師化緣

謝南岳之言道譽重東林之價

舊本又云法門功德難可

稱揚今則伏值遠忌之辰略展薦羞之禮具有疏詞仰對宣白

一心頂禮大蘇山內修法華三昧時身天台

智者

自天台智者下衆和拜起已讚歎

遊心法界諸心寂 如日依空不住空

三千實相頓圓明 八萬塵勞等真淨

靈山妙會依依見 寶塔全身了了觀

不是親逢南岳師 人誰識此深禪相

故我一心歸命頂禮一拜下
去準此

補七

十六

一心頂禮華頂峯上降伏天魔衆時身天台

智者

孤禪片石心彌淨 寒擁深雲夜未央

忽震千雷動地來 潛窺百怪掀天至

始覺鬼神纔散滅 還為父母更綢繆

強輒消摩寂照功 神僧出現親稱讚

一心頂禮瓦官精舍開法華妙義時身天台

智者

鷲峯極唱經稱妙 四十餘年秘不談

家業須逢嫡子傳 髻珠不是隨勳得

權實巍巍唯佛了 本迹汪汪補處疑

智者當時親得聞 瓦官重更分明說

一心頂禮玉泉寶閣說摩訶止觀時身天台

智者

九旬慈霑開圓行 十法融談立妙乘

寶車高廣具莊嚴
安御四緣遊直道
乘壞驢車滿世間
一心頂禮太極殿上講仁王般若時身天台
智者

百座似星環北極
八辯洋洋萬國安
玉指競鳴金殿響
稽首巍巍五忍身
一心頂禮陳隋兩國投二宮頓戒時身天台

智者

玉珮鏘鏘圍法座
拜手咸求服戒纓
五德精明如滿月
人中師子法中龍
隋主從茲稱智者

一心頂禮佛隴道樹解淨名禪講時身天台
智者

行道霜林香徑淨
明靜功夫只自知
秉筆或因隋帝命
冥心月樹石房寒
幽深境界何人到
開經時感梵僧來

我等當時恨不逢 歸命天台禪智海
 一心頂禮靈石海岸開涅槃萬句時身天台
 智者

海山一點秋光裏 金閣危層翠嶂間
 萬句圓開解脫門 千徒競擁慈悲室

經按夜分江墅月 講鐘寒徹水村家
 三德彌資三觀明 無人共飽醍醐味
 一心頂禮放生池上講金光流水時身天台
 智者
 方舟泛泛清江上 法語嘮嘮碧浪心

兩岸香飄野老隨 中流磬發金鱗躍
 計謂獄中曾赴難 修禪堂上解酬恩
 而今依舊菴梁多 慈眼他方應憫見
 一心頂禮石城金刹現雙林善寂時身天台
 智者

化緣火滅機薪盡 端坐冥冥石像前
 諸子號咷竟不還 群生盲瞶誰開導
 星河慘淡金波缺 雲谷颺颺鶴樹低
 百金妙藥寄章安 猶恨無人付禪慧
 一心頂禮佛隴樹下帝封靈塔全身天台智

者

加趺宛似安禪貌
閉塔猶同拵定房
初夜流光徹遠林
有時彈指聞深院
年年紫詔離金闕
歲歲皇華啓石門
最後開封失舊身
不知全徃何方去

者

一心頂禮十方世界盡生佛刹中身天台智
慈修天眼應遙見
六十餘州舊結緣
既將種子播良田
須為萌芽作甘雨
父去謾留身後藥
親離空繫醉中珠

神州佛隴願重遊
速使群生開佛慧

者

一心頂禮天台高祖無畏論師龍樹尊者
一心頂禮天台宗教第二祖師北齊尊者
一心頂禮天台適嗣第三祖師南岳尊者
一心頂禮天台結集教藏第五祖師章安尊者
一心頂禮天台教觀第六祖師法華尊者
一心頂禮天台教觀第七祖師天宮尊者
一心頂禮天台教觀第八祖師左谿尊者
一心頂禮天台記王第九祖師荆谿尊者

梅七

十九

禮已各跪燒香散華默運逆順十心運
十心已想對一切三寶諸祖前行懺悔
法

至心懺悔我及十方世界一切眾生自無明
無始時來順有識有流結使動身口意隨貪
瞋癡造七遮五逆之愆犯十重四夷之戒毀
謗三乘正教平陵五種法師行四邪五邪坐
無慚無愧指三塗如園觀具八苦為莊嚴生
生向邪見家生世世出空無佛世何緣今日
偶得人身效雪嶺出家值天台遺教但恨昏
雲久覆見網交纏千如權實法門濫稱染指

十法成乘妙觀未始經心空有臨池羨魚不
解歸家結網癡猿未鎖五塵之林裏長飛渴
鹿當陽六欲之澤中永驚故使身圍法座心
繞塵緣八音之徒震雷霆四辯之謾陳乳色
加以謔談聖典侮慢教文寧思法佛全身豈
念雪山半偈現招愚暗來報邪癡謗人慢法
之愆萬劫千山之障如斯罪惡無量無邊對
三寶披陳向四依發露斷相續念捨覆藏心
願普承懺悔光明眾罪等虛空清淨懺悔已
一心歸命普禮

至心勸請

一念一時咸勸請

十方刹海劫如來

普為衆生轉法輪

莫便涅槃歸寂滅

三乘賢聖諸知識

一切慈悲住世間

但作衆生利樂緣

我皆勸請身心禮

第七 勸請已一心歸命普禮 二十

至心隨喜

虛空法界微塵數

諸佛從初發道心

修行劫海得菩提

乃至涅槃分舍利

三乘賢聖無生業

十善凡夫有漏因

乃至低頭小善根 我皆頂戴生歡喜

隨喜已一心歸命普禮

至心迴向

從初乃至於隨喜 三業修行衆善根

迴入虛空實際中 等同利樂群生界

所修福智皆和合 所成身土悉莊嚴

最後微塵衆道場 普共衆生成正覺

迴向已一心歸命普禮

至心發願

願我常隨諸佛學 微塵刹海劫修行

